



UNIVERSITÄTS-
BIBLIOTHEK
PADERBORN

Universitätsbibliothek Paderborn

M. Fabii Quintiliani Institutionum Oratoriarum Libri Duodecim

Summa diligentia ad fidem vetustissimorum codicum recogniti ac restituti

Quintilianus, Marcus Fabius

Lugd. Batav. ; Roterodami, 1665

Cap. X. De utilitate & ratione declamandi.

urn:nbn:de:hbz:466:1-12945

thara, ita oratio perfecta non est, nisi ab imo ad summum omnibus intenta nervis consentiat.

C A P. IX.

De officio discipulorum.

Io **P**lura de officiis docentium locutus, discipulos id unum interim moneo: *ut praeceptores suos non minus quam ipsa studia ament: & parentes esse¹ non quidem corporum sed mentium credant.* Multum hæc pietas confert studio. nam ita & libenter audient, & dictis credent, & esse similes concupiscent: in ipsos denique coetus scholarum læti & alacres convenient, emendati non irascuntur, laudati gaudebunt. ut sint charissimi, studio merebuntur. Nam ut illorum officium est docere, sic horum præbere se dociles. alioqui neutrum sine altero sufficiet. ² Et sicut hominis ortus ex utroque gignentium confertur, & frustra sparseris semina, nisi illa præmollitus foverit sulcus: ita eloquentia coalescere nequit, ³ nisi sociata tradentis accipientisque concordia.

DIdascalicum opus docente constat & discente. cum igitur antea de officio præceptoris sit locutus, merito quod sit etiam discipulorum officium subdit. Estque totum hoc caput paræneticum. Turneb.

¹ Non quidem corporum.] Huc pertinet apophthegma Alexandri, qui Aristotelem ut parentem suspiciebat, à quo

accepisset bene vivere, cum à patre tantum vivere. *Idem.*

² Et sicut.] Confirmat parabola. *Idem.*

³ Nisi sociata.] Duo tantum à discipulis officia exigit Fabius, pietatem & observantiam erga præceptorem, & docilitatem. Ex his enim duobus cætera pendunt. *Idem.*

C A P. X.

De utilitate & ratione declamandi.

Iii **N**his primis operibus, quæ non ipsa parva sunt, sed majorum quasi membra atque partes, bene instituto, ac fatis

Methodus est compositionis, ab elementis ad ea quæ ex his conficiuntur. hic autem utilitatem declamationis docet, si modo similis erit causis

forensibus & deliberativis. & quosdam rhetoras reprehendit, qui monstrosa quædam themata à consuetudine causarum abhorrentia proponebant. Turneb.

¹ Novissime

satis exercitato, jam fere tempus appetet aggrediendi *sua-*
sorias judicialesque materias: quarum antequam viam ingre-
dior, pauca mihi de ipsa declamandi ratione dicenda sunt:
quæ quidem ut ex omnibus ¹ novissime inventa, ita multo
est utilissima. Nam & cuncta illa de quibus diximus, in se
fere continet, & veritati proximam imaginem reddit:
ideoque ita est celebrata, ut plerisque videretur ad forman-
dam eloquentiam vel sola sufficere. Neque enim virtus ul-
la ² perpetuae duntaxat orationis reperiri potest, quæ non
sit cum hac dicendi meditatione communis. Eo quidem
res ista culpa docentium recidit, ut inter præcipuas quæ
corrumperent eloquentiam caussas, *licentia* atque *inscitia de-*
clamantium fuerit. Sed eo quod natura bonum est, bene uti
licet. Sint ergo & ipsæ materiæ quæ fingentur, quam si-
millimæ veritati: & declamatio in quantum maxime po-
test, imitetur eas actiones in quarum exercitationem re-
perta est. ³ Nam *magos* & ⁴ *pestilentiam*, & *responsa*, &
sæviores tragicis ⁵ *novercas*, aliaque magis adhuc fabulosa
frustra inter ⁶ *sponsiones* & *interdicta* quæremus. Quid
ergo?

¹ *Novissime inventa.*] *Declamatio in-*
venta est Cicerone puer. nam Seneca
lib. primo declamationum, ait ante
Ciceronem exercitationes rhetorum
fuissent, non declamationes. Cic.
quoque in Bruto rem novam esse ita te-
statur, Commentabar declamans, sic
enim loquuntur, sæpe cum Marco Pi-
fone & Q. Pompejo, vel cum alio quo-
tidie. *Idem.*

² *Perpetuae duntaxat orationis.*] *Per-*
petrnam orationem appellat continentem,
neque ullo modo interruptam: ad
differentiam altercationis, in qua
vices sunt interrogandi & respondendi.
Idem.

³ *Nam magos.*] *Translatitiae* sunt hæc
& vulgaria rhetorum themata, quæ à
consuetudine communi causarum ab-
horrent, ideoque Fabio non proban-
tur. *Idem. Magos & pestilent. & responsa.*] *An,* *Nam magos, & in pestilentiam re-*

spensa. Ita enim loqui amat Petron.
Sat. p. 48. Vide Barthii Racemat. in
Petron. p. 488. & Joh. à Wouweren
Animadvers. in Petron. p. 38. & Gol-
dafti symbola ad Petron. p. 527. Curt.
Pichen. Not. ad Tacitum de Orat.
num. 44.

⁴ *Pestilentiam.*] Ut consultum ora-
culum est ut sedaretur pestis: respondit
cædendam esse virginem, & privatus qui-
dam pater filiam interficit, ac in jus vo-
catur. Turneb.

⁵ *Novercas.*] Ut apud Fabium *in pa-*
riete palmato, & in cæco in limine. *Idem.*

⁶ *Sponsiones & interdicta.*] *Sponsio*
actio quædam est, quæ fit interposita
stipulatione certæ pecuniae, quam is-
perdat qui judicio superatus fuerit. *In-*
terdictum vero formula est & conceptio
qua prætor aliquid fieri vel juber vel ve-
tit: estque plerunque de possessione.
Idem.

ergo? Nunquam hæc supra fidem, & poëtica (ut vere dixerim) themata, juvenibus pertractare permittemus, ut expatientur, & gaudeant materia, & quasi¹ in corpus eant? Erat optimum: sed certe sint grandia & tumida, non stulta etiam, & acrioribus oculis intuenti ridicula: ac si jam cedendum est, impleat se declamator aliquando, dum sciat, ut quadrupedes cum viridi pabulo distentæ sunt, sanguinis detractione curantur, & sic ad cibos viribus conservandis idoneos redeunt: ita sibi quoque tenuandas adipes, & quicquid humoris corrupti contraxerit,² emittendum, si esse fanus ac robustus volet. Alioqui tumor ille inanis primo cujusque veri operis corrutu deprehendetur.³ Totum autem declamandi opus qui diversum omnino à forensibus caussis existimant, ii profecto ne rationem quidem qua ista exercitatio inventa sit, pervident. Nam si foro non præparat: aut scenicæ ostentationi, aut furiosæ vociferationi simillimum est.⁴ Quid enim attinet judicem præparare, qui nullus est? narrare quod omnes sciant falsum probationes adhibere caussæ, de qua nemo sit pronuntiaturus? Et hæc quidem ociosa tantum: affici vero, & ira vel luctu permovere, cuius est ludibrii,⁵ nisi quibusdam pugnæ simulacris ad verum discrimen aciemque justam confuescimus? Nihil ergo inter forense genus dicendi, atque hoc declamatorium intererit? Si profectus gratia dicimus, nihil. Utinamque adjici ad consuetudinem posset, ut⁶ non minibus

¹ In corpus eant.] Metaphora est à jumentis ducta, quæ pabuli multitudine saginantur, & corpulentiora fiunt. trans-tulit autem ad orationis nimiam ubertatem. *Idem.* In corpus eant.] Σωματίσθεν. Græci dicunt.

² Emittendum.] Metaphoram duxit à veterinariis, qui equorum pleboram, nimio pabulo contractam, phlebotomia curant. *Idem.*

³ Totum autem.] Quosdam rhetores carpit, qui declamationem esse causis forensibus dissimilem putabant, ideo-

que absurdæ & diversæ à consuetudine proponebant themata, & quasi voluntatem solam auditorum sequebantur: quod taxat Fab. I. 5. *Idem.*

⁴ Quid enim.] Absurdum colligit ex horum opinione, qui declamationem diversam à causis forensibus putant. *Idem.*

⁵ Nisi quibusdam.] Metaphora ducta est à decursonibus, & Troja, quam vulgo solent ludere, ad similitudinem & meditationem prælioram. *Idem.*

⁶ Nominibus nteremur.] Valla anno-

tat

minibus uteremur, & perplexæ magis, & longioris aliquando actus controversiæ fingerentur, & verba in usu quotidiano positâ minus timeremus, & jocos inferere moris esset: quæ nos, quamlibet per alia in scholis exercitati sumus, tyrones in foro inveniunt. ¹ Si vero in ostentationem comparetur declamatio, sane paululum aliquid inclamare ad voluptatem audientium debemus. Nam & iis actionibus quæ in aliqua sine dubio veritate versantur, sed sunt ad popularem aptatæ delectationem, quales legimus ² panegyricos, totumque hoc demonstrativum genus, permittitur adhibere plus cultus, omnemque artem (quæ latere plerunque in judiciis debet) non confiteri modo, sed ostentare etiam hominibus in hoc advocatis. Quare declamatio, quoniam est judiciorum consiliorumque imago, similis esse debet veritati: quoniam autem aliquid in se habet ³ ἐπιδεικνύγμα, non nihil sibi nitoris assumere. Quod faciunt actores comici: qui nec ita prorsus, ut nos vulgo loquimur, pronuntiant, quod esset sine arte: nec procul tamen à natura recedunt, quo vitio periret imitatio: sed morem communis hujus sermonis decore quodam scenico exornat. Sic quoque aliquos nos incommoda ex his quas finxerimus materiis, consequentur, in eo præcipue, quod multa in his ⁴ relinquuntur incerta, ⁵ quæ sumimus ut videntur *ætates, facultates, liberi,*

paren-

tat olim cautum fuisse ne quis in poëmate aut ullo scripto nominatum infamaretur. quo circa declamatores propriis nominibus destituti, ad generalia recurrebant: ut *magos, adulteros, medicos.* Idem. *Nominibus uteremur.*] Non minibus, intellige propriis.

¹ *Si vero.*] Duplici ratione declamamus, vel ut omnino causas forenses imitemur, quod genus est severius: vel ad ostentationem & delectationem, ubi major est libertas. Turneb.

² *Panegyricos.*] *Panegyrici orationes sunt laudatoriae, aut etiam suasoriae, quæ olim in Græciæ conventibus ad ingenii*

ostentationem habebantur. *Idem.*

³ *Ἐπιδεικνύγμα.*] *Ἐπιδεικνύγμα* appellatur genus quod comparatum est ad ostentationem ingenii, versaturque potissimum in causis demonstrativis: interdum etiam deliberativis. hoc genere sunt usi sophistæ. *Idem.*

⁴ *Relinquuntur incerta.*] In veris causis certæ sunt circumstantiæ, quas pro voluntate non possit orator immutares: in declamationibus vero incertæ. his itaque declamator ad utilitatem abutitur. *Idem.*

⁵ *Quæ sumimus.*] Id est, quæ pro nostro arbitrio ponimus. Camerer.

I 5 Elementa

parentes, urbium ipsarum, vires, jura, mores, aliaque his similia. Quin aliquando etiam argumenta ex ipsis positionum vitiis ducimus. Sed haec suo quæque loco. Quamvis enim omne propositum operis à nobis destinati eo spectet, ut orator instituatur: tamen ne quid studiosi requirant, si quid erit quod ad scholas pertineat proprie, in transitu non omittemus.

C A P. XI.

An artis hujus necessaria cognitio sit.

12 **A**M hinc ergo nobis inchoanda est ea pars artis, ex qua capere initium solent qui priora omiserunt: quamquam video quosdam in ipso statim limine obstaturos mihi, qui nihil egere hujusmodi præceptis eloquentiam putent: sed natura sua, & vulgari modo, & scholarum exercitatione contenti, rideant etiam diligentiam nostram, exemplo magni quoque nominis professorum, quorum aliquis, ut opinor, interrogatus quid esset *χρηματοποιός* & *νόνυμος*, nescire se quideam, sed si ad rem pertineret, esse in sua declamatione respondit. Alius percontanti, *Theodoreus*, an *Apollodoreus* esset, Ego, inquit, ³ *parmularius sum*. Nec sane potuit urbanius ex confessione inscitiae suæ elabi. ⁴ Porro hi, quia & bene-

Elementis traditis arte in aggreditur, priusque questionem tractat *conjecturalēm*, an necessaria sit *rhetorice*, non nulli enim naturam solam & exercitationem citra artis præceptiones oratorem efficere putabant. *Turneb.*

¹ *Sed natura sua, &c.*] In hac fere videtur esse opinione Antonius apud Ciceronem, qui *rheticam* esse putat quandam exercitationem. *Idem.*

² *Nόνυμος*] *Nόνυμος* generaliter intellectum significat: sed tamen potissimum ea intelligitur sententia, quæ hujusmodi est, ut aliud intelligatur quam verba præferant. Significavit autem hic rhetor ignarum se esse præceptorum, illis

tamen se bene uti. *Idem.*

³ *Parmularius sum.*] *Theodorus* & *Apollodoreus* eximi fuerunt rhetorices professores, ab hisque emanarunt sectatores *Theodorei* & *Apollodorei*. Jocatus est autem rhetor, deflexo aliorum responsu ad eludendum, ac se *parmularium* dixit. ita enim appellatur gladiator, qui *parmula* pugnat: quem etiam appellant *Thracem*. vide *Festum*. *Idem.*

⁴ *Porro hi.*] Accingit se ad hujus opinionis *ἀναποδίσην*, quæ nuditur quorundam exemplo qui diserti quadam evaserunt naturæ beneficio, idcirco que plurimos habent imitatores. *Idem.*

¹ *Aperi-*